



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmma Totivs Theologiae S. Thomæ Aqvinatis, Doctoris Angelici Ordinis Prædicatorum

Svpplementvm Tertiæ Partis

Thomas <von Aquin, Heiliger>

Romæ, 1619

Vtrum sexus fœmineus ordinis susceptione[m] impediat? 1

urn:nbn:de:hbz:466:1-38817

- ¶ Primo, vtrum sexus foemineus impediatur huius sacramenti susceptionem?
 ¶ Secundo, vtrum carentia vsus rationis?
 ¶ Tertio, vtrum seruitus?
 ¶ Quarto, vtrum homicidium?
 ¶ Quinto, vtrum illegitima natiuitas?
 ¶ Sexto, vtrum defectus membrorum?

ARTIC. I.

Vtrum sexus foemineus impediatur ordinis susceptionem?

157
 Tho. ubi
 supra q.
 2. art. 1.
 q. 2.

AD primum sic proceditur. Videtur, quod sexus foemineus non impediatur ordinis susceptionem. Quia officium prophetae est maius, quam officium sacerdotis: quia propheta est medius inter Deum & sacerdotes, sicut sacerdos, inter Deum & populum. Sed prophetae officium aliquando mulieribus est concessum, vt patet 4. Regum 22. Ergo & sacerdotij officium competere potest.

¶ 2. Præterea, Sicut ordo ad quamdam eminentiam pertinet, ita & prælationis officium, & martyrii & religionis status. Sed prælatio committitur mulieribus in nouo Testamento, vt patet de Abbatissis: & in veteri, vt patet de Delbora, quæ iudicauit Israel. Iudic. 4. Competit etiam eis martyrium & religionis status. Ergo & ordo ecclesiæ.

¶ 3. Præterea, Ordinum potestas in anima fundatur. Sed sexus non est in anima. Ergo diuersitas sexus non facit distinctionem in receptione ordinum.

SED contra est, quod dicitur 1. ad Timor. 2. Mulierem in ecclesia docere non permitto, nec dominari in virum.

¶ Præterea, In ordinandis præexigitur coronatio, quamuis non de necessitate sacramenti. Sed coronatio vel tonsura non competit mulieribus, vt patet 1. ad Corint. 11. Ergo nec ordinum susceptio.

RESPONDEO dicendum, quod quædam requiruntur in recipiente sacramentum, quasi de necessitate sacramenti: quæ si defint, non potest aliquis suscipere.

re, neque sacramentum, neque rē sacramenti. Quædam
 verò requiruntur non de necessitate sacramenti, sed
 de necessitate præcepti, propter congruitatē ad sacra-
 mentum: & sine talibus aliquis suscipit sacramentum,
 sed non rem sacramenti. Dicendum ergo quòd sexus
 virilis requiritur ad susceptionem ordinum, non so-
 lum secundo modo, sed etiam primo. Vnde & si mu-
 lieri exhibentur omnia quæ in ordinibus fiunt, or-
 dinem tamen non suscipit †: quia cum sacramentum
 sit signum in his quæ in sacramento aguntur, requiri-
 tur non solum res, sed significatio rei, sicut dictum
 est *, in extrema vnctione requiri quod sit infirmus,
 vt significetur curatione indigens. Cùm igitur in se-
 xu femineo non possit significari aliqua eminentia,
 gradus *, quia mulier statum subiectionis habet:
 idè non potest ordinis sacramentum suscipere. Qui-
 dam autem dixerunt, quòd sexus virilis est de neces-
 sitate præcepti, sed non de necessitate sacramenti:
 quia etiã in decretis fit mentio de diaconissa & pres-
 bytera. Sed diaconissa ibi dicitur quæ in aliquo, actū
 diaconi participat, scilicet quæ legit homiliam in
 ecclesia: presbytera autem dicitur vidua, quia pres-
 byter idem est quod senior.

Ad primum ergo dicendum, quòd prophesia non
 est sacramentum, sed Dei donum: vnde ibi non exi-
 git significatio, sed solum res. Et quia secundum
 rem in his quæ sunt animæ, mulier non differt à vi-
 ro, cum quandoque mulier inueniatur melior, quan-
 tum ad animam, multis viris: idè donum prophetiæ
 & alia huiusmodi potest recipere, sed non ordinis
 sacramentum.

Et per hoc patet Ad secundum, Et tertium. De *
 Abbacisis tamen dicitur, quòd non habent prælato-
 nem ordinariam, sed quasi ex commissione: propter
 periculum cohabitationis virorum ad mulieres. Del-
 bora autem in temporalibus præfuit, non in sacer-
 dotalibus, sicut & tunc possunt mulieres temporali-
 ter dominari.

† Aug. de
 heres. ad
 quod vult
 Deū, her.
 27. 10. 7.
 et Epiph.
 42. cons.
 Marcion.
 et her. 49
 * infr. 9.
 32. ar. 1.
 * decr. d.
 32. c. 19.
 incipit.
 mulieres
 & d. 88.
 cap. 1. Et
 causa. 27
 q. 1. c. 23.
 † Concil.
 Cart. c. 15

sup. 9. 19.
 a. 3. arg.
 4. & eius
 solnt.